

XVII
122

To the much Hon'd

Dr Arbuthnot Physician

The Library of the
Wellcome Institute for
the History of Medicine

ble servant
W Russell

MEDICAL SOCIETY
OF
LONDON
DEPOSIT

Accession Number

Press Mark

RUSSEL, A.



65756/A

XVII₂

TENTAMEN
MEDICUM
DE

*Medicastroorum Au-
dacitate*

Autore ALEX. RUSSEL, M. D.

*Theologastro nihil flebilius, Pragma-
tico nihil periculosius, Medicastro
nihil exitialius.*

*Non omnes qui Citharam tenent sunt
Citharædi.*

De Medicastro Quidam

*Tollere scit morbos, sed quomodo? Tol-
lit & Ægros.*

EDINBURGI,

Excudebat ROBERTUS FREEBAIRN
An. Dom. MDCCIX.

STANTAMEN

MEDICUM

WILHELM

MEDICUS

habitu

Dr. ALEX. RUSSELL, M.D.

Pharmacopoeia medicamentorum, Trigon-
tica medicamentorum, Medicamentorum
medicamentorum.
Von einem von Citharum tenent (ant
Citharum.

The Med. College of London
The Med. College of London
The Med. College of London

EDINBURGH
The Med. College of London
The Med. College of London

Nobilissimo Potentissimo ac Celsissimo

Principi

Wriothesleio

BEDFORDIÆ DUCI &c.

Illustrissime Princeps,

TRactatulum hunc quantulumcunque Celsitudinĩ vestræ in observantiæ tesseram, nec non in Libelluli ornatum.

Princeps Illustrissime

D. D. C. Q.

Celsitudinis Vestræ

Observantissimus

ALEX. RUSSEL.

Lectori Benevolo

S.

AD Lucubratiunculas hacc scripto committendas Invitarunt tria.

Unum, ut *Universis* praxin Medicam tractantibus qui mentem ad *Medicinam rationalem* non appulerunt suos defectus, erroresque sibi aliisque monstrando, eorundem *audaciam* trucem cæcamque ad incitas redigam; *Pharmacum* namque (*Autore peritissimo Willisio*) temere exhibitum nil aliud est quam alea de vita hominis jacta.

Aliud

Aliud, ut Scientiam Medicinæ Theoreticam ad praxim tutam omnino necessariam esse mortalibus planissime ostendam; & ut qui *sciolis* sanitatis negotium mandant *suicidii* reos peragam: Anne rationi consentaneum est *Medicasterum* seu eum qui studiis medicis operam non dedit, quique nec *consilio*, neque methodi filo, aut *casu* impetuque cæco ducitur, Medico, sive huic qui studiis hisce operam dedit, anteferre? Minime gentium. Ipse tamen hisce auribus non raro audiverim *Medicasteros*, *Chirurgos* & *Pharmacopæos* (quorum quidam *ditescentes insolescunt*, quorum etiam *porterviam* ingens utpote Medico-

()

dicorum & *Medicinae impedimentum* refrænari oportet) Doctrinam & Rationem quasi res affectatas apud ineruditos fronte ludificantes serena, qui iisdem ita verba dederunt ut in eorum sententiam iverint : *Ignoti nulla Cupido, & inscitia confidentiam parit.*

Tertium, ut eruditiores in viam introducam, qua Medicastro-
rum *temeritatem* damnosam reprimant, ægrisque perniciosum errorem eripiant ;

—fungor vice cotis acutum
Reddere quæ ferrum valet, exors
 ipsa secandi,

Sua cuique capiti subungere
Theoremata, hinc illinc excerp-
ta

()
ta operæpretium est mihi vi-
sum.

Viam, quantum ego perspi-
cio, nondum tritam calco; unde
nullus dubito quin irrepperint
errata, quocirca ut politius li-
met opusculum hoc *lector* can-
didus multum obsecro: de quo
argumento si quid sermone
vernaculo prolatum obtigerit,
forte pluris habebitur, & hu-
manis usibus aptius evasurum
est: Et quantumvis, quod
hic cupio, impar præstando sum,
in magnis tamen voluisse sat est.

Opprobriis obluetari statu-
tum est, & dum conviciis agi-
tatum iri me præsentio *Zoilos*
nauci facio, *Momus* satis facere
nequeo, & cum *Scaligero*

Non

()

*Non mihi sed rationi, aut que
Ratio esse videtur.*

*Milito; securus quid mordicus hic
tenet aut hic.*

Ad assequendum hujus opellæ
institutum a cunctis laudatum,
horas succisivas mihi dum in
viviis erogaturo suppetias ut fe-
ras vehementer quæso, exem-
pla Medicastrorum errantium
proferendo, ut prodeat editio
altera auctior, modo tanti cen-
seatur, ubi nomen uniuscujus-
que manum qui porrexerit
auxiliarem exemplo cuique sup-
peditato subjūgetur: Ecquis
enim pensum tale numeris ab-
solutum producendo est? Cum
id aggredienti opera aliena ni-

B

mis

()
opus est ; nulla res (ait Seneca)
consummata est, dum incipit.


Quisquis es, O faveas, nostris-
que laboribus adsis.

Sit Saluti.

Elgini 5 Id. Fe-
bruarii Anno
1709.

SI quis Medicinæ & Medico-
rum impedimenta ab ægro-
rum parte sapienter in apricum
protulerit commodo erit.

P O R-



P R O Æ M I U M.

I. **D**UM meditor quanto Doctrinæ, cautelæ & religionis (speciatim amoris Dei erga proximum) opus sit, ut praxis Medica rite exerceatur, ad stuporem usque miror, qui sit ut tot qui studio medico nullam navarunt operam, quique præcognitis ne vel leviter tincti sunt, impie, temere & perfrecta adeo fronte falces suas in messem hanc alienam immittant: Qui enim principia Medicinæ cujus finis est sanitas ignorat, ut is sanum reddat ægrum, factu fortuito nisi nequaquam possibile.

2. Infortunia impiam hanc ac trucem Medicastrorum audacitatem, effrontemque eorundem nequitiam necessario consequentia innumera sunt; quorum paucula paucis prosequar.

3. Per

3. Per Medicinam intelligo Artem sanitatem humanam fartam tectam conservandi eandemque labefactam restaurandi.

4. Per Chirurgiam volo Artem instrumenta, ac remedia ad sanitatem necessaria, imperante Medico, rite tractandi, & applicandi, ut ex Ety-mo liquet; quamobrem audiebat olim Medicina operatrix.

5. Unde patet nec Medicorum esse ut instrumenta tractent, vel remedia applicent; neque Chirurgorum ut remedia per se (exceptis duntaxat iis quæ moram non ferunt) nec imperante Medico suadeant: Et utrumque, dum contra fit, in alienam transilire provinciam.

6. Medicinam in tres partes distribuere malim, *Anthropologiam*, viz. *Pathologiam* & *Therapæiam*.

Theo.

Theoremata Medica Generalia.

1. **M**edicina principia habet scientifica.
2. Medici est secundum artem operam navare; etiamsi non semper voto potiatur.
3. Natura præsides turpe nihil.
4. Ratio absque Experientia prodest, Experientia tamen sine ratione ridenda.
3. In methodo medendi Galenici & Chymici re conveniunt, verbis differunt.
6. Chirurgia artificiosa manus administratione corpori medetur.
7. Nullibi tam desideratur Experientia quam in Chirurgo.
8. Bona per se pharmaca manu ignorantis tractata vel adhibita fiunt venena.
9. Qui Medice vivit, misere vivit
10. Qui Medice vivit, non misere vivit.

Quibus ita Præmissis.

CAPUT I.

1. **A**Nthropologiam dividere liceat in Anatomiam, & OEconomiam animale.

2. Anatomia delineat Fabricæ humanæ partes solidas Ossa nempe, Viscera, Musculos, Membranas, Glandes, Cartilagines, Tendines, Venas, Arterias, Nervos, Ureteres, Vasa Lymphatica; quorum singulorum Situs, terna Dimensio, Usus, Structura, Meatus, Connexio & Consensus in Medelam cognoscenda sunt: Jam mala ex hisce ignoratis provenientia sparsim intueamur; cuncta enumerare provincia certe nimis dura.

3. Medicafter Tendinis Situm ignorans eundem venæ vice pungit; quid inde? Malorum ilias, Febris, Convulsio, Delirium, Inflammatio, & tandem Gangræna: Unde miser
ager

5 *De Medicastrorum Audacitate.*

æger in discrimen non solum artum, sed & vitam amittendi conjicitur.

4. Ex secta autem arteria venæ vice, sin totius massæ sanguinæ, at saltem largior ejusdem effusio consequitur, & exinde virium debilitas, & difficilior cum morbo colluctatio, eventusque periculosior.

5. Ex ignoto ventriculi Situ, Medicamenta ventriculo accommoda Expigastrio, neutiquam dorso solent applicari; cum tamen satius dorso applicari debeant; quippe quod non tot intercedant integumenta ventriculum inter & Dorsum quot Epigastrium inter & Ventriculum, quæ vires Medicaminis non modo enervent sed & intercipient; & qui prætimide dubitat medicamen loco utriusque admoveere debet.

6. Hinc etiam non minus studiose clysmata nephriticæ quam nephritico injiciunt; illic enim intestina inter & vesicam intercedit uterus, hic vero nihil.

7. Porro

7. Porro qui Bronchotomiam peragit, nisi nervos recurrentes sedulo vitaverit qui in vicinia adfunt, ægrum infauſte reddit mutum : quam cautelam tradidit nobis oculatiſſimus ille Anatomicus C. *Drelincurtius* M. P. apud *Leydenſes*.

8. Quem etiam latet abdominis profunditas Paracentesin perperam aggreditur ille: qui venæ profunditatem nescit, is profundius Lanceolam adigit, ut utroque ejusdem latere perforato, utrinque effundatur sanguis, & hinc Inflammatio, Dolor, Febris &c.

9. Opinabantur veteres, opinantur & nunc quoque temporis Medicaſtri paſſionem Iliacam fieri ab in-
teſtinorum convolutione, ac hinc
nodum ſolvere fatagunt chymæri-
cum; cum allaborare debeant ut a-
moveatur vel compreſſio ab extra,
vel referetur obſtructio ab intra, in-
duratas fæces emolliendo, vel valvu-
lam inverſam ut reponant: Con-
e volutio

volutio qualem somniant, fieri nequit, nedum quod in nodos complacentur intestina, Mesenterio quippe undique connexa: ut ex Anatome liquido apparet.

10. Hi autem Anatomiam nescientes, aniles nugas nunquam non venditant, risuque digna, nec non impossibilia, (Historia de Cultrivoro Pragensi teste) ingenti scientiæ dedecori ubique fabulantur: Verum tamen prima fronte impossibilia per multa revera effecta agnosco; exemplo sit Proteus ille Anglus cognomine *Heggins* (vulgo the *Suppleman*) qui stupentibus coram Medicis, Anatomis, aliisque innumeris, non ita pridem *Edinburgi* plurima legibusque mechanics dissimillima præstabat; Quæ viscera, Hepar puta, Lienem, Intestina sapientissimus rerum Artifex in abdomine collocarat, hic ad thoracis regionem deducebat, ut si vel manui tangenti, vel oculo inspicienti fides adhibenda foret, super-

perfuerit ea in regione cutis spina-
que dorſi, præterea vero nihil: Na-
tes quoque ad ſcapulas evehebat; &
pedes ad verticem, quin immo pe-
dem vertice multo altioreſ nullo
negotio erigebat, crurumque u-
trumvis humero innixum catapultæ
inſtar vel hæſtæ geſtabat; plantis pe-
dum altæ menſæ impositis corpus
erectum retrorſum ad pavementum,
brachiis neutiquam ſaventibus, defer-
re valebat, iterumque de terra attol-
lere, motu quidem lento aſt tuto:
in plano ſedebat erectus quidem quo-
ad partes ſupra os ſacrum poſitas, cru-
ribus interim & coxis ab invicem re-
cta linea diſtenſis, unis dextrorſum
ſciz. aliis ſiniſtrorſum. Atque hæc mi-
hi impertivit teſtis oculatus vir erudi-
tus admodum *Patricius Abercromby*,
Medicinæ Doctör id temporis inter
Edinburgenos, anno nimirum poſt Par-
tum Virgineum 1706. Et heri mihi
referebat Medicus quidam eximius
hunc ipſum *Heggins* narraſſe ſe in-
fantem

fantem fasciis involutum, (ut solenne est) non fuisse. Unde mira hæc aliquatenus explicari posse mihi aurito videntur: cum fasciæ procul dubio rigidos reddant musculos quibus connectuntur viscera, & dum fasciæ artuum etiam motum prohibent, rigescunt ligamenta: ergo cui negantur fasciæ huic ligamenta & muscoli ductiliora; ac exinde artus & viscera ab ipsis dependentia longius ac facilius extendi se patiuntur; addito quod huic a cunis indies adhibita fuerant medicamina emollientia, nam parentes hisce gestibus quæstus gratia hunc ab utero destinarunt: Ast tandem suas inter gestationes *an. ætat.* 30. obiit, partium (ut opinor) elasticitate amissa ab extensione nimia & frequentiori. *Sed hæc raptim.*

II. OEconomia animalis altera Anthropologiæ pars, partium liquidarum Chyli nempe, Sanguinis, Spirituum, Lactis, Mensium, Bilis, Succipancreatici, Lymphæ, Sudoris, Salivæ, Urinæ,

rinæ, Stercoris, Adipis, Succis splenicis, Medullæ & articularum Mucilaginis Motum, Mixturam, Secretionem, atque Vasa unicuique propria, eleganter tractat. Etsi brevitati studere haud tamen omnes hæc ignorantium errores prætereundi sunt: exemplo sint sequentes.

12. Animalis œconomix nescius sanguinem ex arteria emissurus eandem sicut venam infra nempe ligaturam pertundit; ignorat enim sanguinem per arteriam a centro ad circumferentiam, per venam autem a circumferentia ad centrum circumrotari.

13. Et Arteriotomi ligaturam arctam esse oportet, non ita Phlebotomi, verum laxiorem.

14. Porro quem latet fæcum alvinarum mixtura debita non prius earum colorem observat flavum, quam Choleram calumniatur; cum revera sana sit hæc ipsarum tinctura, ob mixtum nimirum cum Chylo excre-

II *De Medicastrorum Audacitate.*

crementitio bilem ad debitam fluiditatem acquirendam, nec non ad intestina proritanda, peristaltici motus gratia, egestionis ergo.

15. Præterea qui vasa lactea in crassis etiam intestinis existere nescit, ei nunquam obviam se præbet Clyisma ad nutriendum, cujus & administrationem jocum risumque facit, quod tamen ad Anginam laudandum vehementer & probandum; Clyisma nimirum nutriens Vitam (obturato œsophago) longum produxit: Et Clysmatis formulam alvum duntaxat ducendo inservire putant hi de quibus agitur.

16. Paucis sic habeto: Qui OEconomia animalis imperitus praxin interim exercitat medicam, nec quis, nec cui, nec cur, nec quomodo, nec quorsum, nec quid agit, novit; miser enim nil recogitat, & ne gry quidem rei circa quam versatur distincte percipit; quod si foelix contigerit eventus, qui vix decimus quis-

quisque est, fortuna solummodo contigit, haud aliter quam *cæcus* quo oportet collineat, aut *olitor* opportuna loquitur.

17. Unde Anthropologiam ejusque partem utramque Anatomiam, viz. & OEconomiam Animalem cognitu omnino necessariam esse ut malo medeatur Medicus, liquido & clare constar.

Theoremata Anthropologica.

1. **S**anitas in debita partium fluidarum Mixtura, & solidarum Structura consistit.
2. Suppositum ΣΥΝΕΠΤΟΝ est.
3. Primum Menstruum Saliva est.
4. Ventriculus & Intestina in Chylificando concausæ sunt.
5. Qualis cibus talis Chylus, qualis Chylus talis Sanguis, qualis Sanguis talis Sanitas.
6. Sensus

13 *De Medicastrorum Audacitate.*

6. *Sensus, excepta phantasia, in somno feriantur.*

7. *Figura naturalis & præternaturalis ab ossium statu dependet.*

8. *Cutis Vasorum capillarium congeries est.*

9. *Memoria non depravatur.*

10. *Cæci etiam Vertigine corripiuntur.*

11. *Impotentia etiam ea quæ Magica audit remediis naturalibus sanari potest.*

12. *Ciborum coctio noctu fit melior, distributio interdium.*

13. *Rectum sui & obliqui index.*

14. *Omnis musculus suum habet ventriculum.*

15. *Ut causæ morbificæ in corpus agant, requiritur agentis & patientis proportio.*

16. *A partu puerpera concipere potest absque mensibus præviis.*

CAPUT

CAPUT II.

1. **P**athologia morbi Signa, Symptomata, Partem affectam, Causas, Pracatarcticam Antecedentem & Continentem describit.

2. Medicaſtri ſæpenumero ſe morbi nomen nescire fatentes, ſua interim medicamenta (quæ cultu ſpecifico ſemper ornant) recitant, & ſuadent; nec prius ægrotantis lectum attingunt, quam ſanitatem pro certo ſpondent: O quam ridiculum! Aureos montes pollicentur, fumos ſolummodo vendunt. Attende ſis ſagaciſſimo Sydenhamio in *Epist. ad D. Brady de Febrī anno 1679.* graſſanti; Quis ex inſulſiſſimis Empiricis eſt, qui ſe huic morbo curando imparem fatebitur? At nec ipſe valet comprehendere ſuò marte, nece Medicorum ſcriptis ediſcere, quæ demum ſit illa febris ſpecies quam debellare ſatagit, variæ
D dantur

15 *De Medicastrorum Audacitate.*

dantur febrium species, quarum singulæ suam sibi methodum medendi a reliquis diversam sere postulant— Nequit dijudicare an hoc vel aliud phænomenon a curandi quam adhibet methodo, an ab ipso nascatur morbo.

3. Dum vero morbo nomen imponere audent, sæpius rem perperam accipiunt; Melancholicum cui adest mentis Alienatio Hypochondriacum pronunciant, & econtra Hypochondriacum cui abest mentis Alienatio, Melancholicum: sic non raro Catarrhum Phthisin, & vice versa Phthisin Catarrhum dixerint; Rheumatismum Sanguinem vocant, & Choleram Flatum.

4. Certe hæ duæ voculæ, Sanguis Flatus, cunctos sere morbos apud Medicastrum complectuntur.

5. Insidet in memoria historia de quodam inter Empiricos nostrates, qui de morbo capitis quodam a quodam. *V. D.* Pracone interrogatus, obiervans virum alias validum
&

& corpore vigentem, necdum conjugatum, morbum *obstructio semen* parum latine nominare nullus dubitavit.

6. Similiter quod vera & genuina morborum signa non investigent, eorundem discrimen ignorant: Hippocrates, dolente latere, lotum Venæsectioni præmittendo morbum explorabat, Fotu nempe exacerbatur Pleuritis, quo tamen mitigatur simplex Lateris dolor, unde indicatur quantitas sanguinis detrahendi, parrior in casu hoc, largior in illo.

7. Quotusquisque ex illis hydropeem pectoris comperiret? morbum hunc respirationis procul dubio difficultatem appellarent, congruenter ad quod in medelam citarentur pectoralia, sed nihil ad Rhombum.

8. Quin & læso articulo Nervoso, dum effluit ob dolorem & inflammationem cremor lactis similis, genuinum Articuli humorem effluere exclamant, cum totius corporis Articuli

17 *Dè Medicastrorum Audacitate.*

ticuli non tantum contineant humoris sui, quantum intra dieculæ spatium ex vulnere hujusmodi apostematoso profluit.

9. Reprehendendi etiam qui nulum non morbum ex Urina dignoscere se posse vel simulant vel censent : perversa quidem & risui habenda est hæc praxis, eorumque opinio qui ex sola lotii inspectione morbos universos eorumque essentiam dignoscere fatagunt. Urinæ (inquit Medicorum Princeps) judicium fallax ; ex signis propriis omnibus simul sumptis & rite constitutis, ægrique relatione cognoscitur morbus : Universum judicium ab urinis desumptum excudendum per collationem Urinæ naturalis cum præternaturali, quod ut fiat nosse oportet qualis existit urinæ habitudo hujus, cujus urina affertur dum morbo immunis, non enim omnes sanæ omnium urinæ iisdem semper affectionibus præditæ sunt, quoniam
suum

suum cuique temperamentum est (quod obiter intemperiem nuncupare malo) unde liquet quam temere gloriantur qui ex sola urinæ inspectione divinare audent, num urina allata sit viri, an mulieris, senis an junioris, Virginis an gravidæ, ægræ an sanæ, & sexcenta hujus farinae alia. En lepidam *Foresti* historiam, *lib. 2. De incerto Urinarum Judicio c. 5.* Rusticus quidam, hyeme & tempore admodum frigidus, ut aqua gelu concreta foret Uxoris urinam iterum igne solutam ad medicum deferbat; Medicus rustici simplicitatem animadvertens, cæpit interrogare nunquid uxoris ipsius urina esset, respondet Rusticus ita esse, & Jussit ut Medicus diligenter inspiceret, ac nunquid alia ex ea cognosceret indicaret, Medico igitur urinam inspicienti suspicio aliqua de dolore aliquo externo oborta est, cum urina optimi coloris esset, de dolore autem cum inquireret papæ exclamat

mat Rusticus recte divinaſti, ſed unde dolor inquit, quem in latere livido jam facto patitur? Medico de dolore foris apparente edocto non difficile fuit ipſum e caſu quopiam aut ictu ortum fuiſſe, quapropter rogavit nunquid uxor cecidiſſet, Ruſticus demiratus Medicum & hæc rite prædixiſſe, Magiſter inquit, ſi mihi dices ubinam ceciderit, haberis a me inter omnes alios Medicos facile ſupremus: Medicus coloni ſimplicitatem agnoſcens ædium rationem evolvit atque uxorem per gradus vel ſcalas delapſam fuiſſe pronunciat: tum ruſticus per Jovem, inquit, ſi mihi e lotio narrare noveris per quot gradus illa deciderit, optimum te artificem apud omnes decantabo, tunc Medicus cubilia ruſtica minus alta eſſe ſciens, fortaffis per duodecim gradus uxorem decidiſſe ait, Ruſticus vero diligenter, inquit urinam inſpicias nam ſunt plures, Medicus igitur reſpondet lubrica

brica nunc est via præ nimio gelu, nunquid in terram ex improvise lapsus urinae nonnihil effudisti? Rusticus ut homo erat simplicissimus medicum non aliter quam vatem asperxit atque ejus ex urina judicium admiratus, cecidi inquit, atque urinae nonnihil effudi, quamobrem cum Medicus hoc audivisset, cum gravitate quadam ita rusticum allocutus est, Amice, eo in loco quo te cecidisse affirmas reliquos gradus inquirere, eos enim in matula hac non habeo. Rubore etiam perfunditor qui ex alvi faecibus Lipothymiam dignoscere audet.

10. Veruntamen Uroscopia in praxi Medica subsidio nonnunquam venit, cui accuratissimus ille *Bellini* in *Tract. de Urinis* debitum persolvit honorem, illa (inquit) dicitur urina naturalis, quam maxima pars hominum bene valentium excernit; & cum hac reliquæ comparantur ab hoc naturali statu recedentes: Et paulo

paulo infra; Urinæ sunt inter fontes signorum ex quibus omnibus sigillatim quidem observatis, sed collectis, deinde simul comparatis inter se, & perceptis eorum causis, cum eodem tempore in eodem corpore deprehenduntur, devenimus in cognitionem causæ, quæ in illo corpore omnia illa simul signa, hoc est, omnes illas affectiones producit, & omnes illas affectiones simul talem morbum appellamus, causam vero ejus causam earum omnium affectionum simul.

II. Si forte incidat Medicastrer in ægrum hydrope incipienti laborantem, externa sua applicabit ad crurum œdema, sed quorsum? Vana erunt ista remedia, nec pluris refert hujusmodi applicare medicamina, quam si imbrem in cribro gerat: Quid sit? Morbus instar anguis latet, sumptus accumulatur, ægro interim medium crepituro, & hem! Quo fretus est Medicus.

12. Por-

12. Porro, quis est ille Medicaster, qui si virum de nihilo lætiores inviserit Melancholicum dixerit?

13. Inter Morbi Symptoma & morbum est etiam distinguendum; qua in re summa est adhibenda cura, quippe quod morbo primario sublato plerumque sponte cedant Symptomata: ast modo Symptomata ita urgeant, ut vires valde deiciantur seu grave aliquod periculum minitentur, siue causæ vestem induant, ab hisce necessario petuntur indicationes, moras enim male ferunt, Medicinaque ergo incunctanter facienda, ne prius pereat ager quam Symptoma mortiferum tollatur: hinc hic cauto opus est, ne recta ratio non ineatur, unde illud *Freitagii* mihi ante oculos obversatur; In Causone (inquit de vulgo Chirurgorum) cum linguam ardoribus fuscam vident, in qua morbi causam subsistere rentur, neglecta febris agrum interemptura, linguam fricant, vel-

E licant;

23 *De Medicastrorum Audacitate.*

licant, & excorticant : asse quidem chara est hæc praxis.

14. Et scioli hi Diarrhææ Fami, Inappetentiæ, Hæmorrhagiæ, Vomitus &c. Eandem medendi methodum in febris adhibent, quæ iisdem dum morbi existunt primarii adhibenda est : Res periculi plena.

15. Datur Sitis Symptoma, datur & Sitis morbus variam quæ postulant medendi methodum.

16. Nauseam a Scorbuto tollere nitentes non admittis Antiscorbuticis laterem lavant .

17. In Hysteria animi deliquium intuentes, dulcibus, mellitis, & saccharatis incumbunt, quæ quidem non modo morbum fovent, sed & Symptomata etsi consopita excitant : hic enim sætidis & ingratis urgenda est agra.

18. Medicastrum partem affectam neutiquam cernentes longissime a scopo aberrant : e. g. Ager laborat angina ad cujus medelam suadetur incisio

incisio ab autoribus, suadetur & Clysma nutriens, nequaquam vero in eodem casu ; datur enim Angina Cynanche: *i. e.* Inflammatio Trachææ, datur & Angina Synanche, *i. e.* Inflammatio OEsophagi, cui priori debetur incisio, posteriori autem Clysma, quæ tamen mixtim consulunt hi, Nubem pro Junone amplectentes.

19. Similiter ab Hæmoptoico in consilium vocati promiscuis utuntur auxiliis ad diversam Hæmoptoes speciem, Ventriculi *sciz.* & Pulmonum, licet prior Stomachica, posterior pectoralia exigat Traumatica.

20. Hinc etiam Hepatitem dictatorie Pleuritim pronunciavit nemo, qui imperium populique vocem avidissime affectans, alium præoccupatum insolenter admodum habuit, quod errantem in viam veritatis reducere moliretur; dolor enim nequaquam in thorace, ast intra costas versabatur nothas: Sed hisce
non

25 *De Medicastrorum Audacitate.*

non immorandum ; infirmi exiguique est animi voluptas ultio.

21. Parti primario affectæ omnino prospiciendum ; quam cautelam prætereuntes medicamenta in Paralyfin idonea membro Paralytico adhibent, quæ nervorum origini ad membrum illud transeuntium adhiberi oportet : Nam ut habet *Dolæus Encyclopæd. Med. Dogm. lib. I. cap. II.* Nervorum origines observandæ sunt, unde maxima cum diligentia Anatomix incumbendum, ut cognoscamus Nervorum omnium distributionem, & a qua spinalis medullæ parte Nervos suos singulæ partes habeant, ne contingat illud quod apud Galenum quibusdam accidisse legere possumus, quod manui Paralyticæ ipsi applicaverint Topica nervina quæ Spinæ congruebant.

22. Antequam Medicastrorum errata circa morborum causas aggrediar; fundamentum substruendum duco, quod mihi concise suppeditavit

D. Bag-

D. Baglivi lib. 2. De Praxi Medica
cap. 8. §. 2. libro ad amussim limato
& me iudice nulli secundo : Coa-
gulationi (ait) & Dissolutioni Fluido-
rum, Tensioni & Flacciditati Solido-
rum morborum omnium origo at-
tribuitur : Quæ hypothesis utpote
omnium quas hætenus, vel legisse
vel audiisse contigit adæquatissima,
mihi maxime arridet, quippe quæ
nos per regulas mechanices rei cer-
tiores reddat.

13. Caudices hi de morbi causa
interrogati in procatareticam malis
avibus usque ruunt, quæ quamvis
non semper & ubique spernenda,
nequaquam tamen tanti quanti con-
tinens est facienda, quæ modo inno-
tescat, in vado ut plurimum res est,
sin minus, Andabatarum more pu-
gnatur, incerto semper iudicio, & si
animo placido at certe procliviori.

24. Quid quæso ad Rhombum ?
Hæmoptoen frigori ante annum su-
scepto vitio dare : ast ita nonnus-
quam

27 *De Medicastrorum Audacitate.*

quam philosophabatur nonnemo;
an non proram & puppim tum te-
nebat?

25. Inter procātarcīcas quan-
tum valeat consuetudo, plerosque
fugere vereor; ægrotat hoc ver-
no tempore, si venæsectionem
neglexerit, qui eandem tempo-
re verno pati solebat, quod con-
tingere plurimi mecum experti te-
stantur: cujus elucidationem cum
præbuerit peritus quicumque sit, erit
mihi magnus Apollo.

26. Menti adest historia Matro-
næ cujusdam *B. M.* cui ex canis
morsu dolebat manus, qui dolor,
durante canis vita, eodem anni tem-
pore quotannis rediens, cane mor-
tuo redire desiit; cujus rei & peri-
odicarum speciatim annuarum reci-
divationum qui erudite ediderit, OE-
dipus alter erit.

27. Existimant hujusce farinæ vi-
ri eundem nomine morbum ab eo-
dem causarum fonte semper prove-
nire,

nire, neque mirum quod eandem ubique adhibent medendi methodum cum tamen variæ dentur unius ejusdemque nomine morbi species, quarum unaquæque suam variam exposcit medelam, & nisi morbus hujus speciei (qui forte remedia toto cœlo diversa exigit) ab illius speciei morbo distinguatur, in præproperam perniciem conjicitur æger: quod apertissime in lucem profert, *Cl. D. Morton de Phthisi a Læe venetea, Scorbuto, Ictero, Chlorosi &c.* quarum unicuique propriam deberi medendi methodum insigniter dilucidat.

28. Contabescencia quandoque ab ulcere pulmonum, interdum a vasorum lacteorum obstructione, compressione, aut occlusionem oritur; prior Balsamica flagitat a posteriori repudiata, posterior aperientia, & Cathartica priori minime gentium permittenda.

29 *De Medicastrorum Audacitate.*

29. Eodem pacto in febrim ab ebrietate natam Medicaſter hic uſquequaque venæſectionem adminiſtrat, ille Vomitum, & uterque auctoritatis excuſatione ſe defendit; verum quidem eſt venæſectionem ab hoc autore, Vomitum ab illo ſuaderi, & recte quidem ab utroque ſcriptore, nec minus perperam forte ab utroque Medicaſtro: Tempora quoque pacto diſtinguenda; Vino ſciz. in Ventriculo adhuc hærente, conducit Emeticum; Venæſectio autem cum ad ſanguinem perventum eſt, quam Theoriam ignorantes autorum non ſatis cernunt ſenſum, quorum quoque conſilia perperam adaptant in ægrorum ruinam.

30. Porro alvus adſtricta a nimia ſanguinis incræſſatione interdum fluit, alias a tubulis glandularum inteſtinalium obſtructis; hoc in caſu aperientibus, in illo medicamentis attenuantibus opus eſt.

31. Simi-

31. Similiter Diarrhæa a nimia sanguinis tenuitate suam interdum ducit originem, alias a glandularum intestinalium vasis excretoriis in intestinorum cavitatem plus justo hiantibus ; in priori casu medicina incrassans, in posteriori astringens necessaria est : quo ordine inverso, quod sæpenumero præ Medicastrorum incogitantia fit, in pejus ruunt cuncta.

32. Ita etiam de cujuscunque generis fluxu arguere oportet ; an nimirum a liquidarum nimia tenuitate, an copia, an ab osculorum, pororumve apertione nimia effluat ; quod certe ingentis est momenti, sagacitatisque plus exigit, quam in numerato habet Medicafter ullus.

33. Præterea Vomitus ab ingestis proveniens Emeticum postulat, quod exhibitum dum a perverso ventriculi tono procedit, mortem accersit, tum vero Medicamina Ventriculum corroborantia exhibenda sunt.

34. Infuper Emeticum Asthmati admodum conducit, haud tamen omnigeno; humidum si sit, Phlegmata pulmonum cellulas replentia concussionem pectoris ab Emetico mobiliora facta, facilius ejiciuntur; dum vero siccum existit Asthma, in hoc rerum statu, musculorum nervorumque respirationi inservientium obstructionem aut tonum amissum forte obfirmando, perniciosum evadit Emeticum; Ubi quoque Thoracicis expectorantibus rem committunt hi; aut quo? Pulmonibus illæsis, molimine casso.

35. Adhæc in mensium defectu a sanguinis inopia laborantem incidens Medicastrer Phlebotomiam mandat, quod morbi causam ne prorsus quidem scrutetur; vice versa in aliam eundem perferentem defectum forte incidens, qui interim a sanguine crasso nec pariori oritur, Phlebotomiam excludit: quod hac non successerit alia aggreditur via: Quod

Quod mihi in mentem revocat *Bel-
lini* *propos.* 49. *de Missione sanguinis,*
in Opusc. ad Arch. Pitcarn. M. P.
Lugd. Batav. Virum, cui ingenium
omnibus sane numeris absolutum :
Sanguine ita vitiato ut vires lædantur,
perinde est ac si sanguis qualitate qui-
dem naturaliter se haberet, sed ea
imminuta esset quantitate, quæ requiri-
tur ad datam illam virium læsionem
producendam. Unde plurima in praxi
Medica utilissima meditati exhausti-
enda præbentur. Sed ut unde abii,
redeam : Ut ut morbi hi eodem
gaudentes nomine, unus idemque vi-
deantur, longe tamen variam exi-
gunt Medicinam ; casus prior in-
crassantem quæ sanguinem augeat
admittit ; attenuantem autem po-
sterior necessario exigit, incrassan-
tem omnino respuens.

36. Ad Tussim pectoralia interna
præscribuntur, & rite quidem ad Hu-
midam, verum ad Siccam inani nisu:
Remedia tum musculis convulsis, sive
ut

33 *De Medicastrorum Audacitate.*

(ut *Baglivianis* vocabulis utar) cor-
rugatis aut relaxatis applicanda :
Quod fidei Theoriam Medicam pa-
rum intelligentium absonum est.

37. Tremoris denique variæ sunt
causæ, spirituum nimirum penuria,
aliquanta Nervorum obstructio, oc-
clusio, compressio, valvulæ perver-
sio & (ex prædicto autore rerum
scrutatore pervigili optimeque de re
Medica merito) fibrarum tensio, &
flacciditas, quibus variis non eadem
debetur medela; quarum quoque di-
scrimini indagando plurima sagaci-
tate Medica opus est.

38. Ex quibus pauculis colligere
licet, quam inscie nec non immani-
ter ludant hi de corio humano, va-
rias morbi causas non dignoscentes :
Vitanda adhibent, Adhibenda vitant,
ignorant enim quid *distant æra lu-
pinis.*

Theo-

Theoremata Pathologica.

1. **U**BI desinit Physicus ibi incipit Medicus.
2. Morbus consistit in partium fluidarum mixtura, solidarumque structura indebitis.
3. Quod mortales nomine dicunt Naturam hoc nihil est.
4. Nemo consummata fruitur sanitate.
5. Quo propiora sunt ortui corpora eo sanguis & serum magis proportionata sunt.
6. Omne sensile excellens sensum lædit.
7. Nullus datur morbus quem non sequitur actio læsa, vel abolitione, vel depravatione, vel imminutione.
8. Dum læves sunt asperæ partes, duræ mollescunt &c. Actio læditur.
9. Solutæ unitatis differentiæ quinque sunt, Ulcus, Vulnus, Contusio, Ruptura, Fractura.

10. Con-

10. Consensus morborum consistit in communione vel generis, vel viciniae, vel officii.

11. Morbus per consensum ob diuturnitatem in essentialem evadit quandoque.

12. Morbi chronici raro fiunt per consensum.

13. Morbi conspirantes sæpe separati videntur.

14. Morbi a colluvie serosa oriundi & cum dolore conjuncti, ut plurimum noctu exacerbantur.

15. Aer est Vehiculum contagii.

15. Plurimi morbi a transpiratione cohibita originem capiunt.

17. Motus a cibo vehementior chylum in vasa præcipitat.

18. Symptoma est productum vel comes Morbi.

19. Noscitur ex Comite qui non cognoscitur ex se.

20. Ut morbus Morbum, sic & Symptoma unum aliud producit.

21. Quæ pica laborant non semper pulchriores factus gerunt.

22. Do-

22. Dolor est vel actualis ruptio, vel raptionis periculum.

23. Dolor est vel punctorius vel gravativus, vel pulsatilis, vel distensivus, vel lancinans.

24. Lassitudines spontaneæ Morbum & præeunt & sequuntur.

25. Non solis sensibus acquiescendum, sed & Rationem adhibere Iudicem oportet.

26. Quæ non signant singula multa notant.

27. Uni signo non fidendum præterquam essentiali.

28. Qui ante Annos pubertatis Eunuchi facti Imberbes manent; Qui post, barbam retinent.

29. Lac & Menses in gravidis profluentia factum debilem notant.

30. Pulsus durus tensivus membranosi generis affecti Index.

31. Medicus pulsum tangat non superficialiter.

32. Nec sustineat tactum, & repetat.

33. Co-

37 *De Medicastrorum Audacitate.*

33. *Coctio non omnibus competit morbis, Cruditatem præsupponit.*

34. *Qualis sanguis, tales Menses, & vice versa: hinc testantur de sanitate fœminæ.*

35. *Sedimentum in sanis nullum, morbum imminere, in morbis cruditatem notat.*

36. *Pulsus in Infantibus ut plurimum negligendus.*

37. *lctus debilis, debilis facultas.*

38. *Ægri pulsus non statim post cibum tangendus.*

39. *Pulsui soli fidere noli.*

40. *Morbi fientes difficulter, facti facilius dignoscuntur.*

41. *Læsione & causa cognitis Medicinam adhibeto: Morbi non agniti nulla medela.*

42. *Melancholici sunt sputatores & flatulenti.*

43. *Flatus vagi transitorii tensivi sunt, humores fixi constantes pungitivi.*

44. *Ubi flatus audiuntur ibi peccant.*

45. *Me-*

45. *Medicum tria morbum docent, Videre, Quærere, Tangere.*

46. *Quæsitæ potiora sunt, 1. Quid patiatur? 2. Ex qua Causa? 3. Quot diebus? 4. An alvus succedat? 5. Quali victu utatur.*

47. *Dolor gravativus parenchyma, acutus membranas, profundus & acutissimus, periostium affectum significat.*

48. *Dolor manu premente ingravescens externam, alias internam affici partem indicat.*

49. *Tussi excretum e Pulmone fertur, Screatu ex Arteria aspera, Vomitu ex Ventriculo.*

50. *Terror Epilepsiæ Mater.*

51. *Juventus fundamentum sternit sanitatis.*

52. *Consuetudo altera Natura est.*

53. *Qui bene ingerit, digerit, & egerit sanus.*

54. *Ignoti nulla indicatio, nulla curatio.*

55. *Pure excreto Ulcus, sanguine*
G *vasis*

39 *De Medicastrorum Audacitate.*

vasis sanguiferi apertionem, vel ruptionem scito.

56. *Symptoma primarium per secundarium cognoscitur.*

57. *Quæ prius ejiciantur de proximiori loco testantur.*

58. *Coctio crassescencia, Cruditas tenuitate percipitur.*

59. *Crisis fit semper in statu.*

60. *Duo fiunt in Crisi, Coctio quam sequitur Separatio, & Expulsio.*

62. *Nihil paucum Criticum.*

63. *Excrementa viridia, lac corruptum.*

64. *Graciles non raro plus possident sanguinis quam obesi.*

65. *Cum Ulcerum parietes callescunt fiunt Fistulæ.*

66. *Sanguinem sequitur Pus.*

67. *Astra inclinant sed non urgent, ut Theologice sic Physice verum.*

Digres-

Digressus de Prognosi.

Consulto Prognosin prætereo ; utpote ad Medicinam nequaquam pertinentem ; anxietati forte morigeratur, nullius interim ad melam momenti ; fideinque fallere ad prædictoris ignominiam quotidie notatur ; hinc aurum auramque captare volunt Medicastri, quo & fine sæpius & merito excidunt : Unde etiam ignominiosam istam Ars Conjecturalis cognominationem germinalisse putem : Rifui ergo habendi suas qui narrant prognoses ; *Hominum conatus, Dei eventus.* Nihilominus non gravabor quædam subnectere Theoremata, quippe quia nullus nego Morbi eventum a Medico sagaci prævideri, sæpe & prædici posse ; Solos enim hic loci corripere velim qui vel prædictionibus freti remedia negligunt, vel quæstiunculis, ut sæpius fit, ineptis de morbi exitu Medicum cruciare pergunt. The-

Theoremata Prognostica.

1. **Æ** *Grum Prognostico impie relinquare noli.*
2. *Nec temere nec timide de exitu pronunciato Medice.*
3. *Bona ægro, Mala adstantibus narra.*
4. *Bona prompte, mala quasi invitus; singula tamen limitate enunciabis.*
5. *Morbi connati adscititiis graviores.*
6. *Intermittens morbo non intermittente tutior.*
7. *Quo pars affecta nobilior, mos peior & læsio grauior, eo morbus major.*
8. *Omnis acutus magnus, non tamen omnis magnus est acutus.*
9. *Omnes moriuntur in statu, nemo in declinatione.*
10. *Omnis subita mutatio est periculosa.*
11. *Tremor in corpore sano, est Paralyseos prodromus, in Paralytico sanitatis.*

12. *Pollutionem nocturnam Gonorrhææ succedere bonum, hanc illi malum.*

13. *Lac præsens nisi exsugatur grumescit.*

14. *Præstat ex Urina judicare interrogando quam decidendo.*

15. *Pulsus undosus in Vermiculari evadens malus.*

16. *Pulsus durus tensivus Convulsionum præco.*

17. *Pulsus Intermittens terret Medicum, & fallit nisi cordatus sit; hinc in pleuriticis, febribus Malignis, scorbuticis, palpitazione cordis, senibus &c. frequenter occurrit citra omne periculum.*

18. *Urina bona pulsus bonus æger moritur.*

19. *Pulsus deficiens excedente pejor.*

20. *Mutatio omnis sensibilis machinæ humanæ, sive in toto, sive in certa parte, morbum instare minatur.*

21. *Spontanea lassitudo Morbi prodromus.*

22. *Omni*

22. Omnis mutatio in Macrocosmo, mutationem in Microcosmo portendit.

23. Uni soli signo neutiquam credendum.

24. Ægro obsecundante omen melius.

25. Quo graviora symptomata concurrunt, eo citior terminatio.

26. Omnis Recidiva deterior sua radice.

27. Tussis cum febris sæpius bona.

28. Corpus deforme diu durare nequit.

29. Tale tali additum, gravis gravi morbo, illud magis tale reddit.

30. De morbo incipiente acuto prædictio nulla.

31. Mens sana in ægro corpore optima.

32. Delirium nullum tutum, præsertim cum ferocia vel silentio.

33. *Ανάσσει* in quocunque morbo, Mala.

34. Mores, verba, sensus, quo solito dissimiliora, eo status pejor.

35. Somnus bonus, nimius tamen Lethi frater.

36. Floc-

36. *Floccos legere, oculos habere torvos & feroces malum.*
37. *Baginaria in febris continuis bona.*
38. *Convulsiones in fæminis tutiores.*
39. *Ronchi in Empyicis, Hydropticis & Pleuriticis, lethiferi.*
40. *Expiratio frigida Lethalis.*
41. *Voracitas omnis mala.*
42. *Si post curatos morbos Inappetentia remaneat, recidivam prædicit.*
43. *Sputum cruentum in malignis, & pleuriticis bonum denotat.*
44. *Facies Hippocratica Lethalis.*
45. *Scroti corrugatio in Infantibus bona, præterquam in Chronicis.*
46. *Quo morbus acutior, eo Crisis citior.*
47. *Dies quartus est septimi index, Undecimus decimi quarti.*
48. *Post decimum quartum vel vigesimum diem ad crisin vix attenditur.*
49. *Crises simultaneæ symbolicae bonæ, inæquales malæ.*
50. *Affe-*

45 *De Medicastrorum Audacitate.*

50. *Affectus quam in gravidis nunquam noxiores.*

51. *Senectus non annis, sed viribus metienda.*

52. *Qui medice vivere recusant aut in remediis sumendis morosi sunt non curantur.*

53. *Ante Victoriam triumpham ne canito.*

CAPUT

CAPUT. III.

1. **T**herapœia Prophylaxin, Remedium, Contraindicans, Remedii materiam, hujusque Qualitatem, Quantitatem, Tempusque exhibitionis ostendit : Ut vitium primæ coctionis in secunda non emendatur, sic qui utramque, vel alterutram priorem Medicinæ partem ignorant, cum ad hanc tertiam ventum est, exinde necessario hic etiam errant : Sed speciatim & breviter, cuncta enim horum narrare errata, laboriosius est quam Sybillæ folia colligere.

2. Ex præconcepta opinione quod venæsectio abortum accersat, eandem, etiamsi coindicet plethora, negligunt, operaque dedita vitant Medicastris; quo tamen in casu utramque facit paginam venæsectio.

3. Qui præcautionem facessit se,
dulo explorare oportet, 1^{mo}. Agr.
H intem

intemperiem. *i. e.* Morbi cui proclivis est æger naturam generalem, quam levi negotio expiscetur peritus quisque, ex natura morbi, vel morborum quibus olim laborabat æger, 2. Morbum qui ea tempestate, & hic loci grassatur: Nisi enim Intemperiei, morboq; grassanti approprietur prophylacticum cassum est, si non lethiferum: quæ tamen cautio non ante græcas calendas Medicastris innotescet.

4. Unde quæso quærent illi remedium? A libellis suis nugis passim scatentibus: Quod si forte librum qui ex usu sit nanciscantur, eodem legitime uti nesciunt; An Universi qui rem Medicam tractant perite hoc agunt? Minime gentium; Non omnes qui Citharam tenent Citharædi: Fac quemvis Medicastrum Macasii Promptuarium consulere, de sanguinis expuitione cum tussi febrique hæctica, hunc in modum argumentabitur, Est Thoracis morbus, ergo me ad Thoracica converto, ubi

bi offendit. *Sp. C. B. Ol. Angel. Anis. Anth. Carv. Cumin. Fænic.* & id genus plurima, Medicamenta sane Thoracica, & alibi maxime Idonea, aſt huic morbo augendo non minus apta : Non omnia thoracica homogenea ſunt & ejuſdem ſarinæ : Aſt miſcent hi quadrata rotundis.

5. Addito quod plerique libri erroribus vel Typographi vel Autoris inquinati ſunt, a perito duntaxat emendandis : Exemplo ſit idem promptuarium, *lib. poſt. §. 3. cap. de Vigiliis* inducentibus ; Ubi inter alia recensetur *Balaſam. Hypnotic.* Somnum inducens an Vigiliis inducit ? Qui tamen liber cum cæteris ejuſdem indolis ingens præbet Medico ſolerti commodum.

6. Rhabarbarum inter Cathartica locatur, aſt toſtum aſtringens evadit.

7. Theriaca laudatur ad affectus ſoporofos, aſt intelligenda Verus, recens enim ſomnum inducit.

8. Libelli

8. Libelli cui titulus, *The Countrey Physician* autorem reputatum maximopere veneror, utpote pio ac Misericordi incitamento impulsus; plus tamen nocent, quam prosunt libelli tales, præsertim vernaculo idiomate conscripti, nisi Medici Monopolæ constituentur *vid. Bagliv. cap. 9. De morborum Successionibus* — depravatæ huic consuetudini magnam occasionem dedere Medici, qui nunc Vernacula sua lingua omnia sua typis mandant, & Vetulas docent e culina cum ipsis etiam Medicinæ principibus arroganter disputare, & de mille receptulis delirare &c. Ad alvi fluxum (ut ex plurimis exemplis unum seligam) Butyrum insulsum & præterea nihil suadet prædictus Author: Quod huic morbo debellando hic & nunc conducere non negem, omni tamen & semper alvi fluxui, Butyrum insulsum medendo par esse nequaquam concedendum: Alvi fluxus non raro

ro phlebotomiam efflagitat, dein Catharsin, & denique astringentia : Indoctus tamen quisquis hujus auctoritati innitens plenam committit Butyro potentiam; & (me sponfore) suo sæpe exitio: Cujusmodi capitales errores, qui Philosophia Medica instructus non est, detegere nequit; Nihilominus acriter reprehendendi sunt qui literatos ab arte excolenda deterrent, novitatem objicendo, conviciorumque plaustra in hos congerendo, nam mortalium plerique veritatis parum amantes, & de se ingentia sentientes, semet inscientiæ aut imperitiæ argui putant cum quæpiam ipsis nondum nota divulgantur; sed Macti Cordatiores.

9. Et suas ore duro jactitant experientias; quod acriter redarguit *Cous Senex*, Experientia (ait) fallax, Ratio quidem & experientia ratione suffulta in re medica omne ferunt punctum; Ast Experientia observatione sola nitens, Ratione destituta
falsa

falsa est, & futilis merito censetur; Doctrina vana est ratio ni accesserit: Etiam si (ait *Erasmus*) innumera absorpsisses experimenta, haudquamquam Medici, sed empirici personam indueres, & tua sine rationali doctrina Experientia est vel ipsa Moria, vel Stultitiæ Magistra: Non ætate sed ingenio sapientiam adipiscimur: Experientia non ævi longioris, verum scrutinii perspicacioris est proles: Quod pluribus nec immodicis verbis depingitur a Nostrate *D. Brown M. D. in libello cui titulus, Vindictory Schedule, pag. 42, & 43.* Cui (Auctoris pace) subicerem experientiam hanc solummodo laudandam, quæ ratione comitata ex eruditorum colloquio vel lectione comparatur, quo quidem sensu quadragenarius experientiæ plus possidebit quam sexagenarius quisquis hanc non observans Methodum: Et quanti quæso est experientia unius ad plurium experientiam cæteris paribus

bus comparata? Qua de re prudentissimus ille *Baglivus*, *Prax. Med. lib. 1. cap. 2. §. 12.* hoc modo differit, Quod spectat ad peculiarem cujuslibet morbi curationem arbitror experientiam raro foeliciter cessuram, nisi ratio observationi adjungatur: Mille namque morborum causæ, varia ægrorum temperamenta, ætates, sexus, vitæ genera, climata diversæ naturæ, variæ annorum constitutiones & varia semper influentes, innumera denique alia quæ ad producidos fovendosque morbos concurrunt, ita interdum certam constantemque morbi & suorum symptomatum naturam perturbant, ut difficile sit veritatem investigare nisi complexus horum omnium sagaci rationis usu perpendatur & illustretur: Hoc addito ex *præfat. ad oper. omn. Bagliv. Edit. 6.* Cæterum Baglivo succenseat nemo, quod Stibiatorum & Chinæ Chinæ laudes non adeo extollere videatur: Ut suos quisque patimur

timur manes, sic suum cuique regi-
oni concedendum ingenium, suus
cuique morbo character, propria in-
doles & curandi ratio varianda sæpe
pro personarum, climatum, &c. va-
rietate.

10. Quod ad Medicamentorum
vires attinet, Qui rem medicam rite
exercere velit, has ad unguem cal-
lere debet, non solum Evacuantium,
Diaphoreticorum nempe, Catharti-
corum, Emeticorum, Caputpurgio-
rum, Salivantium, sed & Alteranti-
um, quænam sciz. Medicamenta dis-
solvant coagulatum, coagulent disso-
lutum, tendant flaccidum, & flac-
cidum reddant tensum; hi nihilo-
minus composita præscribere & sua-
dere audent, quorum simplicia ne
nominare queunt. Et ampla prom-
ptaque materia Medica instructus
esse debet, ne suos libros inaniter
legat: Sed obiter utinam ad pleni-
orem Diureticorum & Salivantium
pervenire liceat usum.

11. Dum-

11. Dumque hypothefi ifti obfoletæ, de frigido, calido, humido, ficco immorantur, nulli animadver-
tunt frigidorum alia obftruere, alia
deobftruere, alia attenuare, alia in-
cralfare, & fic de cæteris.

12. Præterea fyftemati Materiæ
Medicæ ex memoria prompte expo-
nendo par effe debet, qui opus hoc
fufciperet, ne libris mutilus nefeiat
quo fe vertat; Firma (inquit *Hippa-
crates lib. 2. De decenti ornatu text.*
8.) memoria teneto Medicamenta, &
fimplices facultates & descriptas;
Aft quorufque obfecro, Medica-
ftrorum penfo huic laborem impen-
dit? Multi equidem fudoris eft. Ut
tandem effectum a mero confequen-
te, & ut caufam a mero anteceden-
te certo diftinguere liceat, faxit fum-
mi fapientia Patris.

13. Novi quendam cum accerfe-
retur ad ægrum Hepatitide laboran-
tem, ut fibi foli lucrum & honorem
aucuparetur, Unguent. pomat. re-
probaffe

55 *De Medicastrorum Audacitate.*

probasse quod in composito ab alio prius ad consilium vocato suadebatur, quoniam, aiebat, quodcunque compositum quod ingreditur cera huic negotio congruum non est; Cum tamen cera Medicamenti huius pars nulla sit; Ast ille Ung. Refrigerans Galeni substituerat, quod sine cera fieri nequit: Titanicum tamen præ se fert hic aspectum, & altum sapit.

14. Et fines non raro furtim invadunt alienos, ubi intra dieculæ spatium plus infertur damni, quam intra mensem lucratum fuit; Unus remus plus retinet, quam sex impellunt; sic Medicus Medicastrum luit pænas.

15. Medicus qui Medicum, cui tradita fuit provincia, exturbat, maculæ suis & dedecori est, furacem enim olet avaritiam: Cujusmodi artes Medico perito, probo & prudenti odio habitæ veteri diverbio incendicus mendico invidet, Literula
ablata

ablata, ansam dant: Hujus indolis sunt male Fabri qui muliercularum consiliis nequiter indulgent, & qui ad gratiam consulentes adulantur ut plus accipiant, in opprobrium suum ægrique ruinam: A quibus non multum abludunt qui coram ægro & adstantibus Pharmacopœos de re gerenda inepte consulunt; quod interim ex affectato candore patrant.

16. Nec Religio est illis cujusvis morbi curam in se suscipere; Levia ingenia quia nihil habent, nihil sibi detrahunt: Sed valetudine ingravescente, tum tandem ad consilium (Medicastro ipso suasore) vocatur Medicus; Post bellum auxilium: Quod etiam ex ostentatione & avaritia audacter perpetrant Chirurghi quidam, & Pharmacopœi, e medicorum receptis, qui ipsis emptorum frequentiam conciliant, furtum facientes, quas etiam scienter adaptare nequeunt: En ostentationi & avari-

tiae

57 *De Medicastrorum Audacitate.*

tix impietatem animique ingrati turpitudinem adstantes ! Sed ut propius accedam.

17. Aegro vigiliis diuturnis inquietato largam Narcotici dosin secundum Morbi proportionem distribuant ; Cum contrarium fieri oporteat ; minuenda potius est dosis quo diuturniores sunt Vigiliæ ; alias proclivitas ad somnum ex defatigatione a vigiliis, & somnus a somnifico dextræ dextram jungentes ægrum non in diversum aut in contrarium curvant : itaque actum est de illo.

18. Nec observant Medicamentorum diversitatem, præsertim in chronicis parandam esse, ne ægrum absterreat primorum fastidium, & ne natura (sit verbo venia brevitati duntaxat inservienti) eidem Medicamini assuescens non auscultet : cessat enim post diutinum Medicamenti usum conflictus Medicamentum inter & sanguinem : Prout hac de re scite suo more ratiocinatur

tur eximius ille Philosophus. *D. Theod. Craanen*, Æther aiebat Medicamenti post diutinum ejusdem usum, tunc valde similis fit ætheri in nostro sanguine existenti; ideo satius est Medicamentum aliud earundem virium adhiberi, ut ex diversitate materiæ æthereæ diversa excite-
tur pugna: Cui etiam suffragatur *Nobiliss. Verulam. Sylv. Sylv. Cent. 1. Exper. 67.* Medicamenti (inquit) & alimenti mutatio conducit, quia naturæ satietatem continuatio illa parit, ut appetitus & operatio illa obtundatur, sic videmus res noxias consuetudine evadere innoxias, ut Venenum, cui consuetudine parem nonnulli Stomachum habent ex usu; quare haud mirum si salutaria quædam consuetudine deperdant vim auxiliatricem: eadem autem mihi intermissio cum mutatione est, cum intermissa postmodum evadant nova; & qui Materia Medica eaque ampla ornatus non est, Medicami-
num

num varietatem morbi varietati accommodare nequit.

19. Sæpissime enim morbum auxiliarem & evacuationem salutiferam in ægrotantis vitæ jacturam fiſtunt, Hæmorrhagiam puta narium in Cephalalgia, diarrhæam in febre &c. Morbo auxiliari abdicato, abdicatur & ſanitas: Ex ſcabe retro-pulſa vel perperam ablata ſæviores ſuperveniunt morbi, utpote ſanguinis Sputum, Apoplexia, Hydrops, Febres Diuturnæ, &c. Hydropem narrat Hippocrates ex ablata ſcabe; Erat, ait, homo quidam Athenis ſœdiſſima ſcabe laborans, atque ut ſanaretur acceſſit Milos, ubi calidæ ſunt Thermæ, quarum uſu convaluit a ſcabe, ſed paulo poſt incidit in Hydropem & exinde mortuus eſt: Nec raro ſequitur febris, cæcitasque, teſte *Sennerto prax. 3. § 2. cap. 44.* Puer (inquit) ſcabe linimentis retro-pulſa in cæcitatem & febrim incidit, qui accedente Epilepſia ſupremum obiit Diem.

20. Nec

20. Nec brevitati student, e. g. morbo & Catharsin & Phlebotomiam exigente, Phlebotomia cæteris paribus præmittenda est, utpote quam spontanea nonnunquam sequitur Catharsis, quæ etiam multo tolerabilior est quam Medicamine comparata; cui Cautioni animum nusquam advertunt.

21. Et ubique post Venæsectionem vigilias suadent, cum tamen somnus non raro magno foret usui, ut in *Mania Hypercatharsi*, &c.

22. Non raro etiam Phlebotomiam sub præclaræ scientiæ nomine & umbra intra Veris & Autumnii cancellos coercent, ex præcepto forte perperam accepto; quod si uspiam præcautione tenus locum obtinet: Necessitas nulli paret tempori.

23. Nonnullis etiam sufficit unicuique Cathartici exemplum ad quemvis morbum & cunctis temperamentis adhibendum: eodem nempe collyrio medentur omnibus; quod admo-

admodum vitiosum est, dato & elective purgantia non existere: Rhabbarbarum sciz. Universale sit Catharticum, haud tamen eo minus potenter bilem educit quam Jalappa & excors est qui incertum certo anteponit. Etenim dari elective purgantia verisimillimum est, quod hunc in modum illustrarem; Ubi varia est facies ibi varia est partium structura, ubi varia est partium structura, ibi varius est operandi modus, ergo cum purgantium varia sit facies, purgantium varias est operandi modus: exemplo ut utar, Serra, ejus acies est dentata, lignum perfundit, quod & operatur Ascia, cui est Acies aspectu inarmato lævis, alio modo plane dissimili, prior ligni perfissi faciem reddit scabram, posterior autem lævem: Addito quod concessum cum sit specifica dari alterantia, quod liquido ostendunt Mercurius, Cantharides, Cortex Peruvianus &c. Quidni & dari specificis

fice purgantia censendum: Quæ de re D. Broen Craanenius alter in *Animadvers. in H. Reg. Prax. Medicat.* 7. Non omne purgans, nec omne sudoriferum est diversis affectionibus æque utile: Ita *sol. sen.* etsi copiose assumantur, & etsi copiose evacuent, non tamen tantum præstant quantum *Troch. Alband.* & alia potentiora purgantia, licet parva dosi assumpta & parum evacuent, nam Sena læces ex intestinis solis deturbat: Sed insuper potior, seu in rebus dubiis cautior pars est tenenda, unde nihil Catholicon, seu cuncta existere specifica tutius concluditur.

23. Fugit & hos Analogismus, quem deprehendere medendo cum primis proficuum est.

24. Ad Mensium obstructionem, Sanguinem e brachio mittere suadent Autores, quod cum intempestive fiat, nimirum instante eo tempore quo ægra evacuationem menstruam

63 *De Medicastrorum Audacitate.*

struam pati solebat, damno erit; octiduum circiter ante id temporis instituenda est hic Venæsectio & dehinc statim incidendus & attenuandus est sanguis, cæteroquin obstructio antiquum obtinebit.

25. Sic in Lumbricos suadentur Cathartica, & Specifica & Allicientia, & quidem rectissime, neutiquam tamen hic est ordo observandus nec simul usurpanda veniunt, cæteroquin cuncta frustranea fient: Si enim Cathartica imprimis adhibeantur, Lumbrici iisdem nisi debiles non cedunt, & specificis semineces facti allicientibus reviviscunt, quomodo Medicina optima in futilem evadit, & labor hic studio vanescit inani: Philosophia seu recta ratio dictitat Lumbricos imprimis per specifica sine necandos, saltem debilitandos, debilitatos dein per clyfma alliciens, ex lacte viz. dulci, ad infera inescandos, & inescatos per torrentem a Cathartico tandem exterminandos:

Quem

Quem ordinem prætermittunt hi qui medendi methodum Theoreticam non callent, unde nihil agentes extra scopum jaculantur, vanaque erunt prædicta remedia. Ad hæc modo cuncta simul exhibeantur, damnum Lumbricis per Catharticum & Specificum illatum per Alliciens refarcitur, & sic *Penelopes* tela textitur. Filum igitur medicinale ducem sequi oportet: Quod etiam rite pro sui seculi vocabulis enarrat *Nobiliss. Verulam. Sylv. Sylv. Cent. 1. Exper. 60.* Haud pauca (inquit) Medicamina magis lædunt quam medentur, nisi Filo Medicinali sive ex ordine adhibeantur, quæ tum mira præstant. Ipse ego remedium ad Arthritidem expertus sum, quod raro deficiens hostem intra dieculæ spatium fugavit: Sic habeto, imprimis applicandum Cataplasma sequens. *R. Mic. pan. filig. tenuiter incis. unc. tres, Coq. in lact. q. s. ad pulpam, dein. add. Pulv. Ros. rubr. drach.*

una

65 *De Medicastrorum Audacitate.*

unam semis. Croc. gr. x. Ol. Ros. unc. unam. Extend. super pannum lineum tepide adhibend. & ibidem trihorio morand. Deinde Fotum seq. R. fol. Sal. manip. sem. Rad. Cicut. incis. drachm. sex. rad. Bryon. unc. sem. fol. ros. rubr. Pug. duos. Coq. in aq. chalybeat Cong. sem. ad dimid. Colat. add. Sal. nigr. manip. sem. F. Fetus cum coccineo panno vel lana calido liquori immersa, & intra quartam horæ partem, vel plusculum septies repetend. Tum tandem Emplast. seq. R. Emplast. Diacalcit. q. s. ad partem affectam. dissolv. in ol. Ros. q. s. ut adhæreat, extend. super linteam vulgo Holland, & applic. Cataplasma nempe poros dilatat materiamque peccantem ad perspirandum accingit, Fetus materiam perspirataram evocat, attamen cum respectu ad viam cataplasmate paratam leniter attrahit, quo nomine materiam peccantem extrahit, neque plus materiæ hujusmodi eo attrahit, Fetus enim est lenis, & præterea Narcotici

pau

pauillulum comprehendit. Emplastrum benigniter adstringens materiam recentem ab affluendo reprimat. Cataplasma sine asseclis partem emolliendo & debilitando, ut materiae affluxum impressionemque admittat, proniorem redderet. Fetus absque anteambulone scilicet debilior, via non Cataplasmate parata minus extraheret; si vero validior, ad partem simulac ex parte materiam duceret. Emplastrum viatoribus non præmissis materiam loco contentam includendo, tam irritaret quam materiam recentem cohiberet. Ergo (ut dictum) Filum medicinale ducem sequi oportet. Cataplasmati imprimis bi—vel trihorio immorandum: Tum Fetus quarta horæ parte vel diutiuscule septies vel octies tepide repetendus: Emplastrum denique ante partem affectam bene munitam illinc nequaquam movendum. Hæc ita vertisse liceat.

Tentamen Medicum

26. Medicaminis efficaciam externæ ejusdem formulæ deberi insulsi opinantur; simplicium enim ex quibus compositum fit indoles in deliberationem non cadit. e. g. Emulsio semper Hypnotica habetur, cum tamen plurimæ emulsiones naturæ admodum dissimilis, immo Catharticæ dentur, & innumeræ dari possint.

27. De pilulis idem esto judicium, quæ semper Catharticæ inter hos æstimantur, quarum tamen adstringentium numerus infinitus est.

28. Similiter de Suffumigatione disceptant: Suffumigationem (inquit Empiricus) felici successu ad mensium fluxum usurpavi, ergo Mensium suppressioni non convenit: Ubi mirum in modum delirant, non enim dependet Medicaminis efficacia a formula, verum ab indole simplicium formulam componentium; quæ hic aperiens, illic adstringens præscribi potest.

29. Tri-

29. Triplicia existunt Diuretica, quorum alia vasa urinalia vasorumque poros aperiunt, alia serum a sanguine præcipitant, alia denique materiam sanguini aquosam suppeditant, quæ promiscue usurpata citius quam melius pensum absolvunt; Hydropicis nempe suppetias ferunt Diuretica, haud vero postremi generis præproperam mortem actutum accersura; crescit indulgens sibi dirus Hydrops; nec Medii, hoc enim est actum agere; ast primi, ita vero obstaculo submoto errans in viam reducitur: Hinc practico Diureticorum varietatem hanc scitu pernecessariam esse liquet.

30. Pari etiam ratione dividenda sunt Cathartica & Diaphoretica in alia quæ materiam præcipitant, & alia quæ materiæ vasa porosque suos aperiendo exitum præbent, quam Meditationem tutam utpote nec vero dissimilem, ut ad umbilicum deducant eruditiores obsecro.

31. Et

69 *De Medicastrorum Audacitate.*

31. Et æquam Medicaminis quantitatem transgreditur Empiricus, mulieri & præ intemperie, & præ morbo acuto debili, *Vin. Bened. Ruland. unc. unam. sem.* propinans, qua quantitate ab alio prohibita, pessime se habuit, ægra ab assumpta modo dimidia.

32. Variæ denique sunt technæ quibus Medicastrum se apud vulgus promovere annituntur; quidam alterius nominis ruinæ gloriam suam lucrumque superstruunt: Nonnulli superbo corporis habitu artem ostendant suam, de quibus olim Cassius pallium & barbam video, at Medicum non video, cui si speciosam vestem, si cultum, ornatum, & anulum detrahas, idem quod Cumano Leoni accidet, qui pelle sua nudatus apparuit asinus: Alii si peregrinati sint, & temporis reliquum castaneis torrendis collatum sit, repudiatis rite medendi præceptis, receptarum aliquot decadibus contenti;

tenti, voti sui summam consequuntur; hi Philosophiæ & Medicinæ institutionibus vel nihil prorsus, vel non satis imbuti, morborum quos nec cognoscunt (inquit *Bayer*) nec cognoscere student, curam in se recipiunt, & sanitatem plenis buccis pollicentur: Parturiunt montes, nascitur ridiculus mus. Alii si Doctoris gradum susceperint, de quo unico (posthabitis potioribus) vehementer prædicant caudices, non secus ac si Diploma peritiam conferret; Quod quidem honorificum, Majorumque placitis, & Principum statutis consentaneum est; hic tamen non raro plus in titulo quam in pyxide, dum de Sparta quam nacti sunt ornanda secure cessatur; Asinus stramenta mavult quam aurum: Et tum plerumque nomen suum in Religiosorum secta quadam dominatrice profitentur, ut deinceps cum consecratis Medicinam actitent, qui misere nescientes Religionem unicam veramque

ramque in præceptorum observatione
ab amore oriunda constare: *Joh.*
cap. 14. v. 15. Si diligitis me, manda-
ta me servate, Rom. cap. 13. v. 10.
Plenitudo legis est dilectio; cæterum-
que Religionis omne non huc tan-
quam ad metam enixum fucum esse
ac fallacias & præterea nihil, Con-
traversiarum nodis, seu Theorematis
Theologicis indormiunt, unicum ne-
cessarium teruncii facientes; Ast non
est e terris mollis ad astra via; inter
factorum rationes reddendas pertri-
stes hos frustrabitur specula hæc:
Ah quanta spe decident! Sed utcun-
que aderunt res, quum religiones id
genus molles levesque, levique ne-
gotio imitabiles sint, hypocrisi igno-
rantiam relevant Medicastrum, parti-
bus ditioribus atque potentioribus
se socios asciscentes. Eheu miseros!
turpe est lucrum: nimio emitur quæ-
stus hic: Medici fama quidem &
nomine multi, re autem & opere
valde pauci, *Hippocrat. in Lege.*

33. Ex quibus manifesto liquet quam audaces & temerarii sint Medicaſtri, qui Medicinam Theoreticam non callentes ægrotantium curam aggrediuntur, quamque male cautum cæcumque ſit hiſce ſinciput, qui male ſanis cæciſq; Medicaſtris ſuam non modo ſanitatem, ſed & vitam, qua nihil terrenum carius, ita inconfulto concedunt. Sed ut ad metam appropinquem, audiatur *Cornel. Bontekoe in Provocatione &c.* Probe (inquit) judicaturus, quænam medendi methodus vera ſive falſa ſit, experientiam primum circumſpicio, ſymptoma a ſymptomate internofcito, circumſtantias earumque magis principales ponderato; corporis notitiam habeto, circulationem ſanguinis cum conſequentiis ejusdem intelligito, veras remediorum operationes in ſanguine, ſuccis atque partibus ſolidis examinato, ad unum omnes reducito; ſuper omnia vero adeptus ſis judiciæ tui ſanitatem,

73 *De Medicastrorum Audacitate.*

tem, Quæ nonnisi gravioribus studiis veræ sapientiæ præjudicia puerilia deponentis, intellectumque illustrantis acquirere licet. Atque cunctis hisce confectis, haud difficile tibi erit secundum veritatem, judicium dextrum, justamque pronunciare sententiam.

Theo-

Theoremata Therapeutica.

- I. **V**enienti occurrere morbo.
2. Omne malum nascens facile opprimitur.
3. Prudens in flammam ne manum injicito.
4. Tum tua res agitur paries cum proximus ardet.
5. Abstinencia multi curantur morbi.
6. Sine Cerere & Libero friget Venus.
7. Vias in corpore liberos esse decet.
8. Somnus meridianus quibusdam prodest.
9. Morbus unus alterius auxiliatrix.
10. Symptomata secundaria regulantur a primariis.
11. Quo robustior est pulsus, eo venæsectionem magis admittit.

12. *Dulcia, Vinum, Acida, infantibus nociva.*

13. *Refrigerare, & Bibere a motu vehementiore nocet.*

14. *Ignis Aeris purgatorium.*

15. *Loca paludosa Scorbutum gi-
gunt.*

16. *Panis ciborum basis.*

17. *Leguminosa præsertim non ex-
corticata flatulenta sunt.*

18. *Oleracea omnia laxant.*

19. *Lupulus continet sulphur ami-
cum nobis & blandum.*

20. *Petroselinum ciborum condimen-
tum innocuum.*

21. *Cruda minus salubria, cocta
magis.*

22. *Acini astringunt cuncti.*

23. *Cito rancescunt oleosa.*

24. *Sylvestria salubriora.*

25. *Exotica Indigenis postponenda.*

26. *Olea expressa lubricant.*

27. *Dulcia fermentescunt facile, &
potius palato, quam ventriculo, & cor-
di grata.*

28. *Sanis*

28. *Sanis plurima sana.*

29. *Caseus ferculum* εὐτόρισον.

30. *Carnes non solum assæ sed & coctæ firmum præbent Alimentum.*

31. *Gelatinæ Hæcticorum alimentum.*

32. *Turdus & Alauda Nephriticorum solamen.*

33. *Pisces saxatiles puris & arenosis aquis victitantes salubriores.*

34. *Pisces recentes præstant; saliti infumati, & exsiccati exulent.*

35. *Tinca Arquati magnæ.*

36. *Pisces viscosiori vel duriori gaudentes carne minus salubres.*

37. *Si Mensis habet R. noli comedere Cancer.*

38. *Aqua nutriendi facultate pollet.*

39. *Corruptio optimi pessima: Optimi vini optimum acetum.*

40. *Somnus occultum Vitæ pabulum.*

41. *Ut circumstantiæ variant jus ita & remedia.*

42. *Nihil sine Legibus, nihil sine indicationibus.*

43. *A*

77 *De Medicastrorum Audacitate.*

43. *Ajuvantibus & nocentibus potissima fit Indicatio.*

44. *Quicquid agis prudenter agas, & prospice finem.*

45. *Utut pulsum varient res mille, tangenda tamen est Arteria.*

46. *Somnus Meridianus non omnibus nocet, multis prodest.*

47. *Pueris meridiari convenit.*

48. *Somnis infantum alimentum.*

49. *Frigidis ira remedio est.*

50. *Menses pellentia factum pellunt.*

51. *Aromatica & Spirituosa fœtus & gravidarum resectiva.*

52. *Dulcia gravidis amica.*

53. *Venus moderata gravidis non nocet.*

54. *Optimum sæpe remedium remedium negligere.*

55. *Minima non curat Prætor, nec Medicus.*

56. *Frustra fit per plura, quod fieri potest per pauciora.*

57. *Quod una vice præstari nequit pluribus tentato.*

58. *Na-*

58. *Natura in opere suo non turbanda, hinc Fiente Crisi nil temere movendum.*

59. *Antimoniata Vomitoria in substantia non exhibenda.*

60. *Nec majori nec minori dosi danda.*

61. *Principiis obstandum.*

62. *Omnis intemperies indicat Alterantia.*

63. *Lusum non patitur Fama, Fides, Oculus.*

64. *Ferulæ fracturis maxime conveniunt.*

65. *Atretæ sola sectione matura liberantur.*

66. *Ex duobus malis minus eligendum.*

67. *Vulnera & ulcera ab aere defendenda.*

68. *Quibus vena secatur, si facile deliquium patiantur, decumbant, nec fiat vacuo ventriculo.*

69. *Ut juves, parti primario affectæ remedium applicato.*

M

70. *Qui*

79 *De Medicastrorum Audacitate.*

70. *Qui vinum bibunt Pblebotomiam facilius ferunt.*

71. *Omnia purgantia calida.*

72. *Non expectandum est ob officina quod peti potest a Culina.*

73. *Moschata in fæminis locum non habent nisi dentur cum Castoreo.*

74. *Corpora impura quo magis nutritiveris eo magis læseris.*

75. *Consueta etsi deteriora insuetis minus noxia esse solent.*

76. *Qui facile animo linquntur ne diu jejuni maneant.*

77. *Aeris flatus a Leipothymia liberat.*

78. *Opiata Fluxionum, Vigiliarum Dolorumque remedia.*

79. *Semper ad uterum attende.*

80. *In Lipothymiis parum & frequenter propinentur remedia.*

81. *Trepanum in suturis non adhibendum.*

82. *Ad Synthesin opus est extensione, matura repositione, conformatione, & deligatione.*

83. *Ossa*

De Medicastrorum Audacitate. 80

83. *Ossa ferruminantur mediante callo.*

84. *Gibbus curari potest réductione prominentiæ priusquam occalluerit.*

85. *Frænum linguæ caute secandum.*

86. *Aquam omnem vel pus simul & semel noli profundere.*

87. *Chirurgus Misericors, Ulcus Sordidum.*

88. *Odorifera qua talia calida sunt.*

89. *Balsamica, Resinosa, Oleosa, Aromatica calida.*

90. *Acria, Salsa, Amara calida.*

91. *Quæ emolliunt materiæ dispositione suppurationem etiam promovent.*

92. *Suppurantia ante apertionem, digestiva post apertionem.*

93. *Incrassantia cum attenuantibus neutiquam confundenda.*

94. *Cephalica cuncta Arthritica.*

95. *Antimoniata Emetica optima.*

96. *Theriaca sine Opio sudorem non movet.*

97. *Oleosa & amara quævis Lumbricis inimica.*

98. *Mer-*

81 *De Medicastrorum Audacitate.*

98. *Mercurius Vermium Mors.*

99. *Cathartica cuncta Antihelmentica.*

100. *Dulcia potius fallunt quam necant Vermes.*

101. *Ut Emetica & Cathartica, sic Sudorifera, & Diuretica gradibus solummodo differunt.*

102. *Diuretica pleraq; Emmenagoga.*

103. *Emmenagoga adhibenda sunt tempore naturæ motui conveniente.*

104. *Lac & semen extinguentia eadem.*

105. *Quæ non prosunt singula multa juvant.*

106. *Infra summam dosin semper consiste.*

107. *Resinosa addito oleoso facilius pulverisantur.*

108. *Aqua, Spiritus, Oleum sæpe confunduntur.*

109. *Aquæ purgantes proprie non dantur, nec adstringentes.*

110. *Calces Alcalinæ naturæ.*

111. *Cataplasmata partibus unitate læsis minus conveniunt.*

11. *Alca.*

112. *Alcalia corrosiva ab Aere defendenda.*

113. *Clyster tepide injiciendus.*

114. *Saccharum Pharmacopæorum Sal.*

115. *Acida Dentibus inimica.*

116. *Radix Gentianæ præcipuum meatuum dilatatorium.*

117. *Omne Ano suppositum stimulat.*

118. *Detur aliquid palato, palato tamen noli indulgere.*

119. *Quæ solvunt præcipitant.*

120. *Præparata Magisteriis sæpe meliora.*

121. *Vegetabilia Sapida, & Amara plus salis fundunt.*

122. *Ut in Tonicis, ita & in Topicis gratia est observanda.*

123. *Tuto, cito, ac jucunde.*

124. *Non est in Medico semper relevetur ut æger.*

125. *Gratia ab officio quod mora tardat abest.*

Μόγω τῷ Θεῷ Δόξα.

F I N I S.

Errata sic Emendanda.

IN Dedicatoria l. Nobilissimo. pag. 10. lin. ult. l. mixtam. pag. 12. lin. 1. pro fortuna, l. fortefortuna. pag. 41. lin. 14. l. gravior. pag. 63. lin. ult. l. exterminandos: pag. 72. lin. 19. l. circulationem.

